

ხელშეკრულება №99
სახელმწიფო შესყიდვის შესახებ
(აუქციონის გარეშე ელექტრონული ტენდერი - NAT200009245)

ქ. თბილისი

24 ივლისი, 2020 წ.

ერთი მხრივ **საქართველოს ფინანსთა სამინისტრო** (მისამართი: ქ. თბილისი, გორგასლის ქუჩა №16, ტელეფონი: 2 26-14- 11, საბანკო რეკვიზიტები: ანგ. №GE24NB0330100200165022, სახელმწიფო ხაზინა, კოდი: TRESGE22, ს/ნ-204862078), შემდგომში წოდებული „შემსყიდველად“, წარმოდგენილი საფინანსო-ეკონომიკური დეპარტამენტის ხელმძღვანელის თეიმურაზ ფერაძის სახით და შპს „მელვინეობა გრანელი“ (მისამართი: ქ.ყვარელი, მეურნეობის დასახლება; ტელეფონი: 577 98 77 37; საბანკო რეკვიზიტები: ანგ. №GE04TB7372336020100002; სს "თიბისი ბანკი"; კოდი: TBCBGE22; ს/ნ 441555005), შემდგომში წოდებული „მიმწოდებლად“, წარმოდგენილი მისი დირექტორის მინდოხილი პირის ცისვარდ მჭედლიშვილის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – ხელშეკრულებით გათვალისწინებული საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ – წინამდებარე ხელშეკრულების დანართი №1-ით განსაზღვრული ხელშეკრულების საგანი.

2. ხელშეკრულების საგანი

ხელის სადებიზინფექციო საშუალება
(CPV- 33631600)

(იხ. დანართი №1, შესყიდვის ობიექტების დეტალური აღწერა)

3. ხელშეკრულების ღირებულება

- 3.1 ხელშეკრულების ღირებულება: **3 990 (სამი ათას ცხრაას ოთხმოცდაათი) ლარი;**
- 3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

4.1 მიმწოდებელი ვალდებულია:

- ა) წინამდებარე ხელშეკრულების დანართი №1 განსაზღვრული ხელის სადებიზინფექციო საშუალების მიწოდება განახორციელოს ხელშეკრულების გაფორმებიდან 10 (ათი) კალენდარული დღის განმავლობაში, შემდეგ მისამართზე: ქ. თბილისი, გორგასლის ქ. №16, საქართველოს ფინანსთა სამინისტროს ადმინისტრაციული შენობა.
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ) ხელი შეუწყოს შემსყიდველს ინსპექტირების განხორციელებისას.
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს მიწოდებული საქონლის წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები .

5 საქონლის ხარისხი

5.1 მიწოდებული საქონლის ხარისხი უნდა შეესაბამებოდეს წინამდებარე ხელშეკრულების დანართ №1-ში აღნიშნულ მაჩვენებლებს.

5.2 წინამდებარე ხელშეკრულების დანართი №1-ით განსაზღვრულ საქონლის ვარგისიანობის ვადა შეადგენს მიღება-ჩაბარების აქტის გაფორმებიდან არანაკლებ 1 (ერთი) წელს.

6 ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების პერიოდში, შემსყიდველის მოთხოვნათა შესაბამისად.

6.2 ინსპექტირებას განახორციელებენ საქართველოს ფინანსთა სამინისტროს საფინანსო-ეკონომიკური დეპარტამენტის მატერიალურ-ტექნიკური უზრუნველყოფის სამმართველოს მესამე კატეგორიის უფროსი სპეციალისტი **ვახტანგ პატარქალაშვილი** და საქართველოს ფინანსთა სამინისტროში ხელშეკრულებით დასაქმებული პირი **ვახტანგ ერამე**, რომელთაც შეუძლიათ ინსპექტირება განახორციელონ, როგორც ინდივიდუალურად, ასევე ერთობლივად.

6.3 ამ ხელშეკრულების მე-5 მუხლის 5.2 პუნქტით განსაზღვრულ ვარგისიანობის ვადის განმავლობაში შემსყიდველის შესაბამისი წარმომადგენლის (წარმომადგენლები, მოწვეული ექსპერტი) მიერ წუნის გამოვლენის შემთხვევაში, მიმწოდებელი ვალდებულია შემსყიდველის წერილობითი შეტყობინებიდან 2 (ორი) სამუშაო დღეში დააკმაყოფილოს წარდგენილი პრეტენზია და უზრუნველყოს დეფექტების გამოსწორება ან საჭიროების შემთხვევაში ჩაანაცვლოს დეფექტური საქონელი საკუთარი სახსრებით.

6.4 მიმწოდებელი იღებს ვალდებულებას საკუთარი ხარჯებით აღმოფხვრას მიწოდებული საქონლის უხარისხობით გამოწვეული ზარალი.

7 საქონლის მიღება-ჩაბარების წესი

7.1 საქონლის მიღება წარმოებს ინსპექტირების განმახორციელებელი პირის/პირების დადებითი დასკვნის და მიღება-ჩაბარების აქტის სახით. ინსპექტირების დასკვნა გაფორმებული უნდა იქნას საქონლის მიწოდების დღეს, ხოლო მიღება-ჩაბარების აქტი - საქონლის მიწოდებიდან არაუგვიანეს 3 (სამი) სამუშაო დღის განმავლობაში. მიღება-ჩაბარების აქტი ფორმდება წერილობითი სახით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7.2 საქონლის მიღებას აწარმოებს **ზაქარია წითლაური** - საქართველოს ფინანსთა სამინისტროს საფინანსო-ეკონომიკური დეპარტამენტის მატერიალურ-ტექნიკური უზრუნველყოფის სამმართველოს ხელმძღვანელი.

7.3 თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიწოდების ვადის გადაცილებად.

8 ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება ეტაპობრივად, მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (თუ პირი დღგ-ს გადამხდელია) 10 (ათი) სამუშაო დღის განმავლობაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების მე-4 მუხლის 4.1 პუნქტის „ა“ ქვეპუნქტით გათვალისწინებული დანართი №1-ით განსაზღვრული საქონლის მიწოდების ვადების გადაცილების შემთხვევაში, მიმწოდებელს ეკისრება პირგასამტეხლო, შესაბამისად, ყოველ ვადაგადაცილებულ დღეზე ხელშეკრულების ღირებულების **0.02%-ის** ოდენობით.

10.2 წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო, შესაბამისად, ყოველ ვადაგადაცილებულ დღეზე ხელშეკრულების ღირებულების **0.02%-ის** ოდენობით.

10.3 იმ შემთხვევაში, თუ მიმწოდებელზე ამ მუხლის 10.1 ან/და 10.2 პუნქტებით გათვალისწინებული დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.4 ხელშეკრულების ნაწილობრივ შესრულების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო მიუწოდებელი საქონლის ღირებულების 10%-ის ოდენობით.

10.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან, გარდა 10.4 პუნქტით გათვალისწინებული შემთხვევისა.

11. ხელშეკრულებაში ცვლილებების შეტანა

11.2 ნებისმიერი ცვლილება წინამდებარე ხელშეკრულებაში განხორციელდება წერილობითი ფორმით მატერიალური ან/და ელექტრონული დოკუმენტის სახით (შემსყიდველისთვის მისაღები ფორმით), ორივე მხარის უფლებამოსილი წარმომადგენლების ხელმოწერით.

11.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. სადავო საკითხების გადაწყვეტა

12.2 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.3 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების შეწყვეტა

13.2 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.4 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის 2020 წლის 24 ივლისიდან და მოქმედებს 2020 წლის 31 ოქტომბრის ჩათვლით.

15. ფორს-მაჟორი

15.2 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან ხელშეკრულებით გათვალისწინებული ვალდებულებების შეუსრულებლობა გამოწვეულია ფორს-მაჟორული მდგომარეობით.

15.3 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.4 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

16.1 ხელშეკრულება შედგენილია ქართულ ენაზე, ელექტრონული დოკუმენტის სახით.

16.2 ხელშეკრულების ელექტრონულ ასლს იურიდიული ძალა აქვს, თუ ის ხელმოწერილია პასუხისმგებელი პირის ან საქართველოს კანონმდებლობით გათვალისწინებული უფლებამოსილი პირის მიერ ან/და ელექტრონული შტამპით არის დამოწმებული ან/და დადასტურებული.

17. მხარეთა რეკვიზიტები

შემსყიდველი

საქართველოს ფინანსთა სამინისტრო
მისამართი: ქ. თბილისი, გორგასლის ქ. №16,
ტელეფონი: 2 26-14-11,
საბანკო რეკვიზიტები:
ანგ. №GE24NB0330100200165022,
სახელმწიფო ხაზინა, კოდი TRESGE22,
ს/ნ-204862078

მიმწოდებელი

შპს „მელვინეობა გრანელი“
მისამართი: ქ.ყვარელი, მეურნეობის დასახლება;
ტელეფონი: 577 98 77 37;
საბანკო რეკვიზიტები:
ანგ. №GE04TB7372336020100002;
სს "თიბისი ბანკი"; კოდი: TBCBGE22;
ს/ნ 441555005,

ორგანიზაციის დასახელება შპს მეღვინეობა გრანელი

ფასების ცხრილი								
№	შესყიდვის ობიექტის დასახელება და CPV კოდი	სრული ინფორმაცია მისაწოდებელი საქონლის ტექნიკური და ხარისხობრივი მონაცემების შესახებ წარმოშობის ქვეყნის, მწარმოებლის და მოდელის (ასეთის არსებობის შემთხვევაში) მითითებით	განზომილება	რაოდენობა	ერთეულის ფასი (ლარი)	საერთო ღირებულება (ლარი)	მიწოდების ვადა	მიწოდების ადგილი
1	ხელის სადეზინფექციო საშუალება 33631600 - ანტისეფტიკები და დეზინფექტანტები	ხელის სადეზინფექციო პრეპარატი „სეპტა“ გამოყენება- ხელის ჰიგიენური,ანტისეპტიკური, ანტივირუსული, ანტიბაქტერიული და ქირურგიული დამუშავებისთვის. გამოყენების სფერო: სამედიცინო და სამკურნალო პროფილაქტიკური დაწესებულებები,აფთიაქები, ლაბორატორიები,საგანმანათლებლო, კულტურულ-გამაჯანსაღებელი, პენიტენციური, თავდაცვის, სოციალური უზრუნველყოფის და სხვა დაწესებულებები, საზოგადოებრივი კვების და სავაჭრო ობიექტები. „სეპტა“ არის გამჭვირვალე სითხე. იგი წარმოადგენს ჯანმრთელობისთვის უსაფრთხო მზა ხსნარს, კანის დამცავი ეფექტით. არ საჭიროებს გაზავებას და ხელზე შესხურების შემდგომ არ საჭიროებს ხელის დაბანას. დაფასება: 0,5 ლიტრიან პლასტმასის ბოთლებში თავისი გამაფრქვევლით, შესაბამისი ეტიკეტირებით(გამოშვების თარიღი, ვადა, შემადგენლობა და ა.შ.) მოდელი არ აქვს. შემადგენლობა : სამედიცინო (ეთილის) სპირტი 83,3%, წყალბადის ზეჟანგი, გლიცერინი და გამოხდილი წყალი. ვარგისიანობის ვადა: შემსყიდველთან მიღება-ჩაბარების აქტის გაფორმებიდან არანაკლებ 1 წელი. მწარმოებელი: შპს მეღვინეობა გრანელი წარმოებულა: საქართველოში	ცალი	1000	3,99 ლარი დღგ-ის ჩათვლით	3990 ლარი დღგ-ის ჩათვლით	ხელშეკრულების გაფორმებიდან 10 (ათი) კალენდარული დღის განმავლობაში.	ქ. თბილისი ვ. გორგასლის ქუჩა №16

შენიშვნა: მიწოდებულ შესყიდვის ობიექტზე ვარგისიანობის ვადა უნდა შეადგენდეს მიღება-ჩაბარების აქტის გაფორმებიდან არანაკლებ 1 წელს.

ხელმოწერი პირი:
(სახელი, გვარი, თანამდებობა) _____

ხელმოწერა _____